



Мирон Большаков

ШОЧМО  
КУНДЕМЕМ

Мексика др Ивановская  
кукул<sup>т</sup> на час польши.  
1908 ерудину  
зот XII - 632

Мирон БОЛЬШАКОВ

# ШОЧМО КУНДЕМЕМ

Богчалашт-блак

ИИИГАМ ЛУКШО МАРИЙ ИЗДАТЕЛЬСТВО  
Йошкар-Ола \* 1963

### МИРОН НИКОЛАЕВИЧ БОЛЬШАКОВ

Мирон Николаевич Большаков (Мирон Чойн) 1918 ийштэ Морко районысо Элжентер ялысे кресаныык ешеш шоцын. Кожлаер ялысе шкользыг да Морко медрабфаңыште тунемын. Тунемыж годымак Мирон Большаков почеламутым, ойлымаш дөн очерк-влакым возгален, активный селькор лийэн.

Мирон Большаковын первый произведений-влак «Ямде лий», «Рвезе коммунист», «Ленин ой», «Марий коммуна» газетлаште печатлалтын. Тылеч вара тудо ижмынjar почеламут сборникым печатлен луктын.

1960 ийштэ Мирон Большаков «Курезе дөн Кармыгвонто» баеня-влак книгам возен.

Мирон Николаевич Большаков 1958 ий гыч СССР Писатель-влак Союзын членже.

«Шочмо күндемем» книгашиб поэтэн у произведенияйже-влакым пуртыймо.

### ЛЕНИН ВОЛГЫДЫМ КОНДЕН

Шарнем: шаршудо лекме пагыт годым,  
Ик шошим, кече ўлык волымек,  
Салтак урем дөн эркын ошкыл толын,  
Шогале рошт, мемнан пört дек шумек.

Изишак шоғыш. Тарваналын эркын,  
Портончык күзүш да шымай ѹодеш:  
— Тора кокла гыч мөнтö веке  
Чон вургыж толым. Пураш лиеш?

Пурен шогале, брышым ниялтале;  
Пел щүргым керде вошт корен волен.  
А ўпшö верын-верын чылтак чале.  
— Могае ен?.. —  
Авам шога шонен.

— Шыч пале, ужамат, ешем! Аваже! —  
Салтак кудашын пыштыш котомкам.  
Тунам гына пален авам. Вараже  
Чот шортын колтыш, вўчкалтен ачам.

Изи мый ыльым. Тудын сарыш кайым  
Ом шарне. Лач эрат-касат аван:  
«Ачат ушан, виян айдеме» маймым  
Изи шўмем дene умыленам.

Увер вашке шарлен кугу ял мучко,  
Пошкудо-шамыч толынит ужаш.  
Ачам, күсен гыч ик газетым луктын,  
Түнгали нунылан тыге ойлаш:

— Ончалза, Ленин — эн кугу айдеме,  
Незер верч шогышо ушан енгна.  
Ме тудын вўден каймыж дене,  
Сенген тушманым, мёнгтишкё толна.

— Шемерын вождьшо тиде! — икте мане.  
— Эсен лий, вождь! — йўқ лекте йонгатан.  
Вара газет лыжган кошташ түнгали  
Ик кид гыч весыш Ленин сўртсан...

Да кажне енгин тўсшо волғыдемын,  
Тунам ласкан айдеме шўлалтен.  
Тыге мемнан изи пўртнашке Ленин  
Пурен, пеленже волғыдым конден.

## ПИАЛ

Марий калык ожсек тыге манын:  
«Корно дene эртен коштшыжла,  
Кё муэш йомшо имне таганым,  
Лиеш тудо айдем пиалан!

Кече лекме жапеш, тудым налын,  
Пўрт омса лондемеш кырыман».  
Марий пўртын лондемжым вончалын,  
Мый таганым шкеат ужынам!

Тыге лийин ожниак. Кенгеж-теле  
Шужымаш оза лийин тунам.  
«Мыйин уло таган!» — манын веле  
Огеш тол вет пиал нигунам!

Шемер енглан шўлаш кертмыйж наре  
Лийин оғыл тунам йонгатан...  
— Пашам ыште да возын каваре! —  
Тыгай лийин закон кугыжан.

Ме шкенан кидна дене пиалым  
Ыштышна революций тулеш.  
Руш иза калыкнан чот полшалым  
Марий калык эре раш шижеш.

У колхозный пörtлаште таганым  
Ынде от уж. Ок лий курымеш!  
Ужына ме мотор у пиалым,—  
Кече семын йүлен волгалтеш!

Ты пиалже — шемерын поянлык,  
Ты пиалже культура күшмаш.  
Чын науқым пален налын калык,  
Ты пиал — куанен шыргыжмаш!

### МЫЙЫН ПОЯНЛЫКЕМ

Коштын омыл вес элыш  
Нигушкат, нигунам.  
Ибратен щочмо вельм,  
Тыштак вел иленам.

Колынам, йодыт тушто  
Капитал оза-влак:  
— Заводет тыынын күшто  
Да поян мо улат?

Мый ом шого чылт ёрын,  
Нунылан вик манам:  
— Түньямбалне нигё деч  
Эн поян мый улам!

Мыйынлак — пүтүнъ калык,  
Йорло оғыл иктат!  
Только тудын поянлык  
Оксала ок наалт.

Озала эртөн коштын  
Щочмо вер-шöрыштем,  
Мый ужам: ты поянлык  
Вет шинча очылнем:

Шошо кечын тёр одык  
Ой, күзе пеледеш!  
Мұндырчак сылне солык-  
Ончылнет рончалтеш.

Кеңгек кечын пасушто  
Шурно толқын шога.  
А вара, лектын тушко,  
Комбайн шурним пога.

Мый ончем куаналын,—  
Чодранаже мөгай!  
Вүйим күшкө нәлталаын,  
Күгешналын шога.

А мынтар энгер-влакше  
Лыкын-луқын йогат?  
Чодранам — пәлекнаждым  
Элналан наңгаят.

Ончетат мәрий ялым:  
Уке тоштын кыша.  
Ильич лампе чүкталтын,  
Чот шолеш чап паша!

Тиде чапле поянлык —  
Чыла мыйын погем.  
А родной мәрий калык —  
Шүмбелем, пиялем!

## ВАШ КЕЛШЫМАШНА ҚУРЫМАШ!

Чылт ик ең гае улына ме...  
Хади Текташ

Күзе яндар вүд энгерла гыч  
Пура Юл вүдышкө йоген,  
Тугак илат-ыс калык-шамыч  
Советский ешышке ушнен,—  
Руш калық иктыш чумырен.

Йолга эр кече вүй ўмбалне,  
Шуя йоллажым йырым-ваш.  
Чын, ик ең гае улына ме —  
Мәрий, татарин да чуваш.  
Ваш келшымашна құрымаш!

Келшен иза ден шольо семын,  
Шкенан қуатым нәлтена.  
Толеш әлнаже пәнгыдемын,  
Пеледше садыш савырна —  
Ме коммунизмым ыштена.

## ШОЧМО КУНДЕМЕМ

Илыш корнетше  
Ожно ыле неле,  
Шочмо мланым шем йўд вўдылын шоген.  
Йол йымалнетше  
Шем лаврам чот келын,  
Тўченат илаш тый курымеш мерчен.

Ынде илыш — пуйто шошо сад.  
Марий мланде, кечын сылнын пеледат.  
Эре ончык калыкна кая,  
Кечан коммунизмыш партий наигтая.

Қў уэмдале  
Шочмо кундемнажым,  
Қў шем йўдым сеныш, орлыким поктен?  
Гиде — патыр Ленин  
Ыштыш партийнажым,  
Таче ойла кажне тудым чот моктен.

Ынде илыш — пуйто шошо сад.  
Марий мланде, кечын сылнын пеледат.  
Эре ончык калыкна кая,  
Кечан коммунизмыш партий наигтая.  
Чапле пашаште  
Муына пиалым,

Моло калык дене ик еш улъяна.  
Эрык элниаште  
Тые кугешналын,  
Марий калык, иле, шергылт мурына!

Ынде илыш — пуйто шошо сад.  
Марий мланде, кечын сылнын пеледат.  
Эре ончык калыкна кая,  
Кечан коммунизмыш партий наигтая.

## ЭЛНАМ ЙОРАТЫМЕ ЛУМЕШ

Күзө шошым чевер кече дене  
Лум шула да вўд йогын ташла,  
Лач тугак таче калык эрдене  
Тарвана депутатым сайлаш.

Мый ушнем тиде калык коклашке,  
Мыйым ончык вўда шўм-кылем.  
Бюллетеным налам да умбакше  
Пиалем каласен пүнием:

— О, элем! Қеч-қоат шке аважым  
Уло кумылын чот йўратса.  
Элем илышым пүши, варажым  
Ава семын ончалын кушта.

Чылт аван гай элнан шоқшо кидшым  
Мый, шипка гыч тўнгалын, эре  
Шогенам уло кумылын шижын,  
Кушкынам пашалан шўм ырен.

Пиалан мый улам! Ончылнемже  
Кумда корно кия, раш волгагт.  
Мыланем, йўраталме элемже,  
Мо кўлешым чыла пуэнат.

Умбакшат шого тый чот виянын,  
Илышна эше лийже чечен.  
Виян лийже мемнан Партий! — манын,  
Урныш возо мыйнат бюллетенъ.

## УМЫР МУЧКО ТЫЙ ТИДЫМ ШАРНЕТ

Латкандаш ий — могай мотор пагыт!  
Умыр мучко тый тидым шарнет.  
«Ужар вуй... пеш йоча» — лўддымга гыч  
Кушкын шушо радамыш пурет.

Ильш шошо тўзен чуриетим,  
Рвезе вўр калыштет модылда.  
Виктарет тый кумда туп-вачетим,  
Пашатат чылалан койилда.

Тиде пагыт адак молан сылне? —  
Иктаж-кў тый дечетще йодеш.  
— Тёр праван гражданин улам ынде! —  
Тыйын раш вашмутет шергылтеш.

А вара ешарет: — Шочын кушкым,  
Пиалан мый тўняште улам.  
Мыланем вет Совет Конституций  
Пуэн волғыдо, шортньё правам.

Илыш корно кумда ончылнемже —  
Тунемаш, пашалан да канаш.  
Чыла тидым вет шочмо элемже  
Моткоч сайн кўшта аралаш.

Уло кумыл пуэн, шочмо элым  
Йоратем: тудо шерге мылам.  
Ончыктем мые шке кумылемым,  
— Tay, Партий, тылат! — мый манам.

## ПОЕЗДЫШТЕ

Қая поезд марий мланде дене,  
Пасула, чодрала гоч эрта.  
Шарнымаш тиде шыже кастене  
Тольо ушыш мылам кенета.

Илен-толмо корнем ярымалте —  
Куанат, ёпкеат ок мондалт.  
Боевой йолташем-влак шарналтыч,  
Чот шогенит эл верч чыланат.

Шарнымаште ила кажне патыр  
Да ойла: «Лийза те пиалан!»  
Мылам чучо — пашам эше ятыр  
Мый улам ыштышаш калыклан.

Трубам күшкөй нöлтен, шоген кодыч  
Красногорск, Силикат заводла.  
Үдýр кидыште койо ош шовыч:  
«Лийже тек корнида пиалан!»

Тунамак окнашкем йўд кава гыч  
Тылзэ чолгыж ончале ласкан.  
Шыргыж-модын, чүчкен, шүлдир-шамыч  
Саламленит мемнам чыланам.

Лие раш мыланем — чал ўп оғыл,  
Ийготат огеш керт чактарен.  
Таче але мый мом ыштен омыл,  
А эрла кертам тудым ыштен.

Кая поезд марий мланде денес,  
Пасула, чодрала гоч эрта.  
Шарнымаш тиде шыже кастене  
У пашашке ушнаш тарата.

## МУРЫН ВИЙЖЕ

Изи вўдым вончашыже  
Мо пашмаже, мо можно...  
Изи ўмырым эртарашиже  
Мо танг қучымыжо, мо можно.

(Калык муро.)

Изи энер верч шокшо бой қаси.  
Тушман пудештарен вўд гоч қўварым,  
А шке вес серыште пызнен шинчен,  
Мемнан ўмбак эртак қышкен снарядым.

Шонет: кынелын йыр тўтан мардеж,  
Нўлта каваш шумеш энер гыч вўдым.  
Шыдештын пулемет йўқ шерғылтеш,  
Ракета күшкедеш пычкемыш йўдым.

Тушманын шыде тулжым ончиде,  
Ме тыршена садак лекташ вес серыш.  
Тунам вет ушыш кенета, шижде,  
Йомартле марий муро толын перныш.

Но тошто семын оғыл шўлыкан,  
У семын йонгталале: кумыл нўлтö.  
«Изи энер вончаш ок кўл пашма,  
А ўмыраш танем вучча вет мёнтö»...

Кал-қылыш шиждымын вият ушна,  
Ужеш пураш вашке қуатле бойыш.  
Танем дек корно — сар тул вошт шуйна,  
Садлан уке вес шонымаш да койыш.

Қўдратле вийым шыдын тарватен,  
Ура-а дене очык — ильш верчи  
Мемнан частьнаже тулышко пурен,  
Элнажым утарен тушман-гад дечин.

Шукертак сар пытен. Танем пелен  
(А инде ўмыраш йолташ вет лийни)  
Шичмек, ом керт эгерим шарныде,  
Ом керт монден мый муро вийим!

## ПОРТРЕТЫСЕ ЎДЫР

Граждаңский сарен  
героически колышо ма-  
рий ўдыр Антонина Ма-  
маева лүмеш.

Автор.

Весела шем щинчан, пиалан тиде ўдыр,  
Оичалат да вашеш пелешта вот, шонет.  
Пүйто таче улам вет мыят тудын күдүн,  
Пелешталме шуәш: «Кузеракын илет?»...

Үмбакет шып онча ўшанен, порын, келгын;  
Рвәзе тул йөрыдеак, шинча тич йўла.  
Тиде ўдыр жал дene огеш керт шонтемын,  
Лач портретысe гай курым дene ила.

Ужын омыл геройым нигунам илымыж тодым,  
Каен омыл винтовкым кучалын пырля,  
Но күш тудо тошканын — кышаже rash кодын,  
Калык шўмышкё шуын пашаже чыла.

Латиндеш иаш ўдыр Совет властьна верчын  
Кредалмашке каен, лүдүн оғыл пырчат.  
Мемнан мландым саклаш азыреи тушман дечы  
Рвезе шўмжё йўлеи кечынат-йўдинат.

Кугу сар корно дene эртен ончык тудо,  
Неле-йёсым чытен кеч-кунам салтакла,

Но сар корно — осал. Ыш керт пәртылын кудыш,  
Ик разведкыште тудо колен геройла.

— Тый, разведчик, каласе, — оккупант  
шыдын йодын, —  
Йошкар Армий могае вий дene толеш?  
«Тиде вий, — шоктен rash, — тыш толеш  
тендам тодышт,  
Мемнан мланде шўгар тыланда же лиеш!»

Шомпол дene кыреныт вўр вузык лиймешке  
Да ҹуменыт геройым — мындр индирымаш!  
Но воений секретым садак ыш пелеште,  
Тудын шўмжё вурс гай шуаралтше улмаш!

Марий мландысe ўдыр пытартыш вўр марте  
Қалықиан эрык верчын куатлын шоген.  
Вот молан онча ўдыр ўшанлын, тыматлын  
Ты портрет гыч мемнажым яндар шўмжё ден.

## ПАТРИОТКА

Великий Отечествен  
ный сарыште кольшо  
Нина Бурнаева лүмеш.

Автор.

Средний школым лектыч пытарен.  
Тый тунам көнгөж кастене,  
Ший вұдан памаш воктеке,  
Морко мучко тольыч ошкеден.

Тунам олык шогыш пеледалт,  
Мландаңаже пүтын ямжым почын.  
Пүйто тиде пүтынек тылат,  
Пүйто тиде тылатак вел шочын.

Илышнан моторжым ончыкташ,  
Еңын шүмжым чот куандараш,  
Селаштет ансамбльна ышталте:  
Тек муралте сылнын, тәк күшталте!

Шуко годым сценыш лектынат,  
Онтыр йўқын мурым муренат,  
Колыштальыч рвезе, ўдыр, вате...  
Мурыметше күмылым тарватыш!

Теве шуо калык пайремна —  
Автономий лийме кечына.

Шын-шын темын қалық ер воктене  
Күшталтен, мурен куанже дене.

Но тунам шарлен увер пеш шүчко:  
Гитлер пурыш мландаңаш орен,  
Пүтын илышнам каргаш шонен.  
Күртнөй вий кынеле элна мучко.

Ала тиде сылне илышнам  
Гитлерлан пуща, лияш мо кулжо?  
— Нигунам! Нигунам! Нигунам! —  
Йонгата йүкетше шергылт куржо.

\* \* \*

Ваче гочын ыресан сумкам  
Сакенат да ончыко нушкат.  
Тиде ныжылғе шара шинчам  
Ранитталтше воин-влак вучат.

Тыште-түштө бомба пудештеш,  
А снаряд эрта вуй гоч шүшкен.  
Илыш колымаш вашеш пижеш,  
Тый полшаш миет, лектеш сенген.

\* \* \*

Серыш только фронт гыч мый декем,  
Да конвертим почым күмбәланын.  
Поро мутым мый лудаш вашкем.  
Но каласыза те, мо тыгане?

Возен шукталдыме письмам мылам  
Йолташет колтен «пытартыш» манын.  
«Ынде Нинам от уж нигунам,  
Эл верч рвезе вуйжым ыш чамане».

Чу, ала шинчамже шойыштеш  
Чылт возалтдыме строкам нöлтальын?  
Ала омо мыланем коеш,  
Ала весын серыш тыш логалын?

Пеле кодшо ты письмам ончем:  
«Ты атака деч вара, умбакшым  
Кошартем мый тиде серышем.  
Кызыт поктена фашист кашакым».

... Вот тыгерак күрүлтö письма,  
Ыш тол угыч весе почта дене.  
Ме тушманым йörшын сеңгышна,  
Лайремна түңгale май эрдене.

\* \* -  
\*

Тул вошт ончык, ончык кайымаш гыч,  
Сенгымашлан чот ўшанымаш гыч  
Боевой корнетым палена,  
Огеш мондо тыйым калыкна!

### ЭРЛАСЕ МОТОР ИЛЫШ ЛИШНАК

Яндар ўжараже Октябрь эрден  
Кумда Россий мландым ондале йырваш,  
Пычкемышым сеныш, түңгale шарлаш,  
Мотор, сай игече лийшашым сёрэн.

Кеч ятыр гана шем пыл толын түкнен  
Да кечим тóчен шойышташ мемнан деч,  
Нимо кертын оғыл чарен. Да эр вech  
Куатлын нöлтальын у кече йолген.

А ынде ончал: мланде мучко виян  
Ты кече онча, шортньо йолжым шарен.  
Ушаным пурталын шемер калыккан,  
Шўм-чоныштым шокшын нöлта ырыктен.

Гранит гae пеңгыде мландыш шогал,  
Эре ончык да ончык Совет калык-влак  
Каят, ленинизмын ал знамям нумал,  
Эрласе мотор илыш ынде лишнак.

Ты илышын лўм — коммунизмын ик еш,  
Мемнан кидна дене пашаште шочеш.  
Түня шемер-шамыч мемнан эл ўмбак  
Ончат ўшанен, элна лийин — маяк!

## ТОҚАРЫЫН МУТШО

Мый улам — пашазе рвезе,  
Шогалынам станок воктен.  
— Тый резецим сай эскерел —  
Мыйым мастер туныктен.

Кидыштем станокшо таче  
Ойым сайын колыштеш.  
Күртнью шүк резец жымачын  
Пүтырналт, йоген лектеш.

Шүм-кыл нёлтын, утыр талын  
Пижынам куан пашаш.  
Мый ыштем күлеш детальым  
Юл вүд ГЭС-ышке колташ.

Арам оғыл токарь лийым,  
Заводем ден күгешнем!  
Шкемян тул гай рвезе вийым  
Эл пашалан мый пуэм!

Йбратен ончем станокым,  
Кид шагат гай эскерем.  
Куанем: пиал сравочым  
Налынам мый кидышкем.

## ШТУҚАТУР

Вич пачашан у пörtым чонымо.  
Лач кодын штукатурлан пай.  
Күзет тошкалтыш дene. Ончылно  
Йошкар-Ола копа пундашсе гай.

Мардеж това ўпетым. Қапыште  
У вий шолеш. Ласка шўлаш.  
Полшет столицым рвезе жапыште  
Сылнештарен, нёлтен кушташ.

Мыньярын улыт тыйын палыме  
Йолташ-влакет. Пырля ыштат.  
Вет, комсомол путевым налын, те  
У стройкыш лекда чыланат.

Вара паша гыч чотак нойышо  
Толат, вургемым вашталтет.  
Гунам адак кугу воштончышто  
Олма гай волгалтеш түсет.

Қастен ужар театрын сценыште  
Родной элнам моктен мурат.  
Түжемле рвезе-ўдыр семыште  
Колам мый тыйын йўкымат.

## ТОКАРЬЫН МУТШО

Мый улам — пашазе рвезе,  
Шогалынам станок воктен.  
— Тый резецым сай эскере! —  
Мыйым мастер туныктен.

Кидыштем станокшо таче  
Ойым сайын колыштеш.  
Күртнёй шүк резец ыймачын  
Пүтырналт, йоген лектеш.

Шүм-кыл иўлтын, утыр талын  
Пижынам куан пашаш.  
Мый ыштем күлеш детальым  
Юл вўд ГЭС-ышке колташ.

Арам оғыл токарь лийым,  
Заводем ден кугешнем!  
Шкемын тул гай рвезе вийым  
Эл пашалан мый пуэм!

Йоратен ончем станокым,  
Кид шагат гай эскерем.  
Куанем: пиал сравочым  
Налынам мый кидышкем.

## ШТУКАТУР

Вич пачашан у пörtым чонымо.  
Лач кодын штукатурлан пай.  
Күзет тошкалтыш дени. Ончыло  
Йошкар-Ола копа пундашсе гай.

Мардеж това ўпетым. Капыште  
У вий шолеш. Ласка шўлаш.  
Полшет столицым рвезе жапыште  
Сылнештарен, нўлтен кушташ.

Мыньярын улыт тыйын палыме  
Иолташ-влакет. Пирля ыштат.  
Вет, комсомол путевым налын, те  
У стройкиш лекда чыланат.

Вара паша гыч чотак нойышо  
Толат, вургемым вашталтет.  
Тунам адак кугу воштончышто  
Олма гай волгалтеш тўсет.

Кастен ужар театрын сценыште  
Родной элнам моктен мурат.  
Тўжемле рвезе-ўдыр семыште  
Колам мый тыйын йўкымат.

## САМЫРЫК ВРАЧ

Пытартыш теле корно дене,  
Эр шошым толшо кайкла,  
Чатка гына чевер эрдене  
Колхозыш только ик ула.

Ялнашке пурыш, ужо кажне:  
Чурийже сылне — роза лач.  
«Күшечын тудо?» — йодмыланже  
Ямщик вашештыш: «Тысе врач!»

«Вот кём кондем мый!» — манше гае,  
Варажым сапым шупшылеш.  
Тарваныш имне, пуйто кайык,  
Миен медпункт дек шогалеш.

Тулупшым кудашалын, ўдыр  
Вола тер вуй гыч лум ўмбак.  
Марпа куба ончале лўдын:  
«Йолжат чара мо? Эх, калтак!»

Ок уж куба капрон чулкаждым:  
Адак шке семын йўклана,  
Шарна оласе уныкаждым:  
«Тудат тыгак дыр орлана...»

— Кувай, арам тый ит коляне! —  
Шокта марла ой кенета.  
Куба пеш бўрин: «Мо тугане?  
Чынак мо марлажат мошта?»

— Қылменже омыл. Леве таче.  
Коча сай кондыш. Тау пеш! —  
Манеш да тудо вачумбачше  
Ош мамым шальым рудалеш.

Вара чевер ката йол дене,  
Лумеш изи кышам коден,  
Пура медпунктышко эрдене,  
Шке у пашажлан йывыртен.

Кеч рвезе калык ок черлане,  
Но мый шонем: эрла садак  
(Врач ўдыр, только тый шеклане!)  
Приемыш каче толылда.

Онча ўмбаке шокшын-шокшын,  
Иктаж амалым кычалеш.  
— Мый вученам мотор ты шошым! —  
Манеш да ўлқо ончалеш.

Коклаште южын «черле» шўмжым  
Мут дене эмлашат лиеш.  
Ала тыят, шўманын, лўмжым  
Тунам ойлст уэш-уэш...

## КОРНЫМ ЭСКЕРЫШЕ ҮДҮР

Ок колышт тудо енын шүмым  
Да оным оғыл перкала —  
Но доктор семын, корным үдүр  
Шинчасортаж гай арала.

Пера пырт изи чөгит дене,  
Пала — мугае рельсын «шүм».  
Тыге коштеш кастен-эрдене,  
Ок ончо йүштö але лум.

Қайшащ улат гын поезд дене,  
Тый пале, ончыч ошкеден,  
Рельс мучко изи чөгит дене  
Путеобходчица эртен.

Мыньяр состав қая йүд-кече  
Да мирный грузым шупшыкта!  
А чулым үдүр рельс воктечын  
Ушанлын ошкылын эрта!

Ок шинче тудо ноймашым  
Эреак корнышто. Тыгай  
Ок пале лугыч шонгеммашым...  
Стихем, тыят лий тудын гай!

## ТИМОШ ИЗАЙ

О пошкудем, Тимош изай,  
Мыньяр жап ужын оғынал?  
Ужам: коят чот шонгто гай,  
Вара мыньяр ий погына?

Палем: тынаре писын пеш  
Ий оғыл кертын шонгемден.  
Кузежым-можым кас велеш  
Мый угыч лектым шарналтен.

Тый моштенат контган оптен,  
Куралынат, тырмаленат,  
У пörтýм чонгенат моштен,  
Чодрам мыньяре рүэнат!

Кенгежым күтепнат күтүм,  
А телым имныым онченат.  
Чылт мундырала неле күм  
Пашаште тый кучылтынат.

Палем: тынаре писын пеш  
Ий оғыл кертын шонгемден.  
Ме эргыч дене иквереш  
Сар корныш лекна ик эрден.

Ыш пўртыл эргыч кудышкет,  
Ужар вуй денже лугыч лий.  
Вот ынде шкетын шып илет  
Шагал жап оғыл — коло ий.

Мый тольым ялыш тый декет,  
Да маныч: «Эргым гай чучат...»  
Вара ласкан тупем вўчкет,  
Сар орлық ок мондалт тачат...

«Колхоз ешем — кугу ешем  
Иўкта, пукша. Садлан илем»,—  
Манат да кумылем кўза,  
Пагалымем — Тимош иза!

### ШОРТНЬО ТУЛ

Ялна воктеч энгер йога.  
Ший семын йылгыж, кол модеш.  
А сер воктен куэ шога,  
Ош порсын — ломбо пеледеш.

Эрдене, ешыштым поген,  
Тыш комбо-влак тўшкан волат,  
Почешышт, пеш ковртатен,  
Урем ден лудо-влак вашкат.

Кас кече шичме пагытлан  
Пасу гыч вольык пўртылеш.  
Иўэш ты вўдым шер теммеш  
Да йўйт кайык-влак чылан.

Шуэш гын йўд, яндар кава  
Боштончыш гае энгереш  
Шке шўдыр-шамычым шава,  
Чылт шўртнью тул гай волгалтеш.

Ме шўртнью тулым налына  
Энгерин тале вийже деч.  
У гидростанцийым ыштена,  
Пиал памаш лектеш тышеч.

## ТЕЛЕ КОРНО

Тройка оғыл онғыр дене  
Муралталын кудалеш,  
Машинаже шоссе дене  
Колхоз ялыш чымалтеш.

Тошто ямщик оғыл тиде —  
Каче рұлым өт куча.  
А воктенже, шальым пидын,  
Үдýр, маке гай, шинча.

«Шұлық, Нина!» — оғыт ойло,  
Лач қуанле йўк шокта...  
Шўымым кочшо щучко орлық  
Эртыш, йомо шукертак.

Тиде корно колхоз яым  
Ола дене чак қылден.  
Ик оян советский калық  
Ила ынде ыйыыртән.

## ВЕДАСИЙ КОКАЙ

Шонгемалын Ведасий кокай,  
Шулдыранла коштмыжым чарнен.  
Ынде кочкыш тоштыла ок кай,  
Неле лийин шогалаш вийнен.

Ял деч мүндир верыш ужашат  
Коштын оғыл тудо нигунам.  
Тыгеат эрта улмашын жап,  
Ужын оғыл ик ғанат олам.

Йоча-влакым ешиште ончен,  
Коштын эр пашашке кеч-кунам.  
А ачаштым сар тул нангәен...  
Шыдыж ден ава карга войнам.

— Тый кузерак кодынат ялт шкет  
Да күзе шкетак илен түркет? —  
Шонто келғын-келғын шұлалта,  
Иодышланже әркын вашешта:

— Мыйын уло әргым — инженер,  
Үдýрем чонгештыш целинаш.  
Ужыт ную, но Йошкар-әнер  
Нимо дечын шерге, вик ойлаш.

Мый тышакын шочын-кушкынам,  
Мый тышакын капым погенам,  
Мый тышакын мұым пиалем.  
Тыште веле мые илынem.

Умыр мучко Ведасий кокай, —  
Шоненам мый, нигушкат ок кай.  
Ялжым веле тутыш йөраратен,  
Ила тушто шкет вычыматен.

Но ола урем ден коштшемла,  
Ведасий кокайым ужынам.  
Эргыж деке толын унала,  
Ужмыж шуын шешкым, уныкам.

— Тый олаш илаш мо толынат? —  
Лұмыннак мый йодышым пуэм.  
— О үке, туркен ом керт, товат,  
Кок-күм кече гыч мөңгем кәсем.

Тыште ом уж кече лекыммат,  
Құ полат коклаште уламат.  
Але мый кертам пашам ыштен,  
Но... яра шинчен ом керт чытен.

Вот тыгае Ведасий кокай —  
Пеш тора гыч толшо кайык гай:  
Шочмо вержым огеш керт монден,  
Ила тудым шокшын йөраратен.

## ЛУМ

Могае мардежын «уш-акыл»,  
Могае вуяиче, коштан!  
Уштеш тудо лумым күш ок күл,  
Озала шереш пасулам.

Корем — пүйто лар тудын лийын:  
Эн шерге шыдан пырчыла  
Тышакын мардеж кажне ийын  
Лум чинчым конден, орала.

— Мо шотшо вара тудын дене,  
Вет озым чарапке лектеш, —  
Колхозник-влакна ик эрдене  
Қанашышт мардеж ваштареш.

Қанашышт да лектыч пасушко,  
Мардежлан чаракым ыштен,  
Күмда пасу мучко — кеч-кушто  
Шогалтышт щит-влакым нöлтен.

Мардеж ончен нале йыр пöрдүн,  
Шүртнен, ўлык возо вара.  
А озым пасушто ик тöрын  
Тöшакла ош лум овара.

Кеч кызыт пасушто лум веле,  
Но кажне уш денже пала —  
Кенгежым тышан шурно тенгиз  
Лач лум ора семын ташла!

## КЛУБЫШТО

Пыл, арам тый шүдир-влакым  
Шойышталын петырет,  
Вет кастене ял ўмбаке  
Ок воч ынде ўмылет.

Теве ончо: клуб окна гыч  
Кечывал гай волгалтеш.  
Ильич лампым чўктышна ме  
Колхозан марий ялеш.

Ү лум вачын урем мучко  
Қас еда эре қыша.  
Погыналын луын-лучын,  
Қалык клубышко вашка.

Ош куәже пört воктене  
Пöрышанын шогылтеш.  
Агитатор кумыл дene  
Толшо-влакым вашлиеш.

Я ўжеш ўстел воктеке  
Журнал ден газет лудаш.  
А беседым түңалмеке,  
Нöлтеш кумыл колышташ.

Теве таче ме концертым  
Уло ялге ончышна  
Да шкежак ме, сценыш лектын,  
Муралтална, күштышна.

## КÖГÖРЧЕН

Ме у пöртим нöлтышна —  
Чоткыдым, чаткам.  
Шифер дene леведна,  
Шындышна окнам.

Але тидын годымак  
Пöрт ўмбач эртен,  
Шулдыран тангаже-влак  
Коштыч чонгештен.

Шўмемлан тыге чучеш,  
Пуйто кайыкат  
Күшто сайым раsh шижеш,  
Кеч падраш гынат.

Мый палем: мемнан пöртнаш  
Курымлан пиал  
Оза гай пура, йолташ,  
Кö тый — ок ончал.

Ме у пöртим ыштышна  
Шуко ий илиш.  
Шулдыран ласка танга,  
Тол тый пöрт-коклаш!

## ЧАВАЙНЫН КУЭЖЕ

Йоча улмет годым, мотор кечын, шошым,  
Чодра гыч күклен, тый куэм конденат.  
Пёртет ончылан шындымек, могай шокшын  
Вара ош куэм тый ончен күштенат!

Книгам кидыш налын, поген кечын ушым,  
Күэй йымалнет шинченат каналтен.  
Куан, шинчавүд... — вет күэ чыла ужын,  
Одар лийын күшкын, мотор түзланен.

Шуэш, маңыч, жап: тыйын ўмылыш толын,  
Канен мый ом керт гын, тидын годым  
Сай ег-влакым вел йымакетше тый пого,  
Моторын шарлең, ий еда күшкын шого!

Поэт! Сугынетше толеш раш шукталтын:  
Шындалме күэтше пеш сылнын шарлең.  
Марий калыкна ты куэм йөрөтөлтий,  
Күэй йымакшат сай ен-влакым поген.

## МЕМНАН ПУШКИН

Здравствуй, племя младое,  
незнакомое!

А. Пушкин.

Шошо кечын ужарген шогалше  
Садше эркын тарвана, лонгеш.  
Пеледалтше олмапу коклаште  
Ныжыл семым пылышем колеш.

Кё мурат? Кён тиде сылне йўкшö?  
Мый ом пале, — лачак воктежем  
Ош вургем ден, эркын, пуйто йўксбö,  
Марий ўдыр лекте ошкеден.

Кидыш налын тудо Пушкин томым,  
Уппым эркын ниялта шентек.  
Очии, вучу дыр кён гын толым,  
Савырнал шогалын корно век.

Жап шукат ыш эрте. Рвезе каче  
Вашлиймашлан порын йывыртсан,  
Шыргыжеш ласкан эше умбачын,  
Вара садыш пурышт кид кучен.

Ужым мый: вет илыш пеледаште  
Пиалан-влак дene иквереш  
Пушкинна ила мемнан коклаште,  
Рвезылыкым саламлен ошкылеш.

## СПУТНИК

Куан пурен мемнан дек — кажне пёртыш,  
Элна верч күгешин, ме ойлена:  
— Планета йыр тек, спутник, пёрд тый!  
Шкенан чапнам ме тушто ужына!

Наукылан кумда разведкиш лектын  
Да космос тыч яндарын шергылте,  
Йырваш тый шарле тыныс муро семын,  
Эрта ты спутник мланде йыр вашкен.

Түнә ужеш у шўдир волгалтма тыч  
Кугу элнан куатле вийжым раш.  
Мемнан наукин чапле сенгимашым  
Элна ок кучылт сарым ямдышлаш.

Түнящте уло шем вий але ятыр,  
Шона шемерин вўржым йоктараш.  
Советский калык — эрыкан да патыр —  
Эреак ямде шкенжым аралаш.

Тек пёрд тый, спутник, тыныс знамя,  
Тушманын шўмжым воштак когартен,  
Кавасе шўдир гае йылгыжалын,  
Мемнан наукым тутиш пойдарен!

## ШУШПЫК СЕМ

Мый уремыш лектым.  
Йўд каваште  
Шўдир-влак йўлалыт.  
Писте шып шога.

Тымык.  
Лач ломбер пакчаште  
Удир-влакин мурышт  
Пылышкем йонга:

«Олыкна кумда, лач тенгиз гае,  
Ландышет уке гын, мо сёралже?  
Саднажат қугу, Элнет чодра гае,  
Шўшпыкшо уке гын, мо сёралже?»

Мыйым муро нале авалталын,  
Кугу вийжым ўмыш шындарен.  
Удир-влак почеш колтем муралын,  
Ямле илынажым мокталтен...

«Тый лиинет гын, мурзыо уста,  
Погынет гын, тый яндар, сай ушым,—  
Нугудо лышташ кеч-кузе шылта,  
Му садак тый шўшпык шичме укшим.

Тұнам шұшпық семын муралтен кертат,  
Тұнам шұшпық гаяк моктымо лият...»  
Қалық ойым кенета шарналым.  
Ушем дене тыге шоналталым:

Тыгай мутым лукшо қалыкна  
Вет шкежат шұшпық гай уста.  
Да шкежат вет пеш келге ушан,  
Моктымо,  
Талантан.

Онгарем гын, шке муремым  
Қалық семын —  
Мурыштем муам мый  
Шұшпық семым.

### ПЕРВЫЙ ЙОРАТЫМАШ

Налисад көргыштет шып күшкеш ош қуә,  
Ұжар-лай сывынжым ий еда вашталта.  
Лаң мотор ош вургемжым шога қудашде,  
Мардеж сем ден коклан мылам муралта:

«Рвезд-лай пагытеш йөраратал шындымек,  
Возенат тағет лұмым корен капешем!  
Лудылдал колто-ян, күдикемже толмек,  
Монденат мо тый тудым, а мый аралем...»

Ой, күа, кудыр вуй, поро-сай йолташем,  
Тудо лұмым эре шарныктет мыланем.

## ПЕЛЕДЫШ

Мемнан вер-шёрыш сылне шошо толын,  
Мынтар куанже возо шүмешкем!  
Ме олык мучко тый денетше коктын  
Эн первый эртена вет, шүмбелем?

Тевак гына ош лум йымачын лекше  
Пеледышым налам да кидышкем,  
Эр шошын первый, шерге ты пёлекшым  
Мый тыйын онышкетше пижыктем.

## ШЫМАВУЧ

Чодраштет, лоп вереш, күшкалеш нöргö-сае  
Шымавуч вуйжым күшкö нöйтальын,  
Күгешиалын шога, рвезе ўдыр ең тае,  
Пүйто тудын сай койышым налын,  
Мокталташ пеш кельша тудын сылне капшат,  
Арам оғыл мотор дene тангастарат:  
«Шымавуч гай капетше» — манмек шыматен,  
Ныжыл капым бïндалыт вара шүм пелен.  
А кунам, шымавуч, тый шиялтыш лият,—  
Шүм-кылнам тарватен, муро ден йонгталлат.  
Ожно годым марий шүшкалтен ойгыж ден,  
Қызыт тудо пиялым мокта йывыртен.  
Шымавуч, күмылем, моткочак йöратем.  
Моторем дene тыйым мый тангастарем.

### ЧАЧА ГАЕ ЧАЧУҚШАТ

Олыкыштет түрлө шудо  
Сылнын койын пеледеш.  
Ал пеледыш дене тудо  
Пырля күшшо гай коеш.  
Ох, чача гай Чачукшат,  
Чевер тудын чурийжат.

А кунам эртет нур гочын  
Торгавуйжо логалеш,  
Да кунам шинчажым почын  
Тыйым порын ончалеш —  
Ох, чача гай Чачукшат,  
Канде тудын шинчажат.

Сылне мёр деч тамым, түсүм  
Налын түрвүйжё шонет.  
Ончалат гын, тый от түсб,—  
Шүэш тудым шупшалмет.  
Ох, чача гай Чачукшат,  
Мемнан ялын ўдыржат.  
  
А пашаште ончо тудым,  
Вуйым ок пу ниғолан.  
Чот кучалын трактор рульым,—  
Тудо тале пашалан!  
Ох, чача гай Чачукшат,  
Кён шүмбел пелаş лият?

### ҮДҮР МУРО

Армий гычын пörtыл тольо  
Чот вучалме йолташем.  
Мүндирчак йүкемым кольо,  
Куржын мийыш ончыкем.  
  
Ондалалын, шокшын-шокшын  
Шупшал колтыш тунамак.  
Арам оғыл кум ий годым  
Вученам мый тудымак.  
  
Мо тугае, мо ок сите,  
Тыге келгын ончалат?  
Еңын мутшо шүмыш витыш,  
Але весым кычалат?  
  
Ой, йолташем, ит күр шүмым,  
Мый ўшанлын вученам.  
Кечын-водын тыйын лўым  
Шүмыштемже кученам...  
  
Пароходшо Юл вүд дене  
Йүксө семынак иеш.  
Вашлийна ме тағем дөнө,  
Жаплан отыл, ўмыреш.  
  
Апшат лийын, тошто семын,  
Тый пашашке шогалат.  
Ынде шкемын пиалемым  
Кидышкет пуэм тылат!

## НАЧУК

Толдалын шүшпүкшө шүшкен  
Элнет воктеке, ломберлашке.  
Ава Начукым шыл рүпшен,  
Пышталын лывырге шипкашке.

Мардежше ломбым лүңгыктен  
Ава гаяк шыман, тыматлын,  
А пёрт гыч муро йүк шоктен  
Тугае ныжылге йомартле.

«Папалте, изием-шочшем,  
Кечат вет лектын оғыл але.  
Ший онгыр гай йўкан игем,  
Тый тамле омо дene мале.

Вара күшкат — кугу лият,  
Паша деч лўдын тый от шого.  
Кугу чап дene волгалтат,  
А кызыт күшкын, вийым пого.

Шуэш гын, теле, кидпашам  
Тунам ыштет тый шуко тўрлым:  
Налат тый кидыш кўнчилам,  
Адак тўрлёт тый сылне тўрим.

Күзерак мёржё олыкеш  
Күшиш кечеш мотор лўзантын,  
Тугак лўзантын, моторешт,  
Начукна күшко вийым налын.

Но кертын оғыл сай пален  
Начуқын кумылан аваже:  
Мо тудым ончылино вўчэн,  
Начукшо кў лиеш вараже?

Вынер гай тёр, яндар вияш  
Мемнан элнаште корно лийин.  
Пеш сылне тўр гай пеледаш  
Пуэн сай илыш рвезе вийым.

Шумеке теле, муш тулкам  
Да межым оғыл кидыш налын, —  
Лудалын шуко сай книгам,  
Начукым нойде шыммалын.

Тунемын лекте Начукна  
Да агроном лўм дene ялыш  
Толдале, пўтынъ колхозна  
Тудлан моткочак чот куаныш.

## ШОШЫН ТОЛМЫЖО

Тек але йүштö юж коштеш,  
Тек але лум кия шарлен,—  
Уже ший кече шыргыжеш  
Яндар кава гыч волгалтен.

Тек але шошо шкé праваш  
Пурен вел шуын. А кастен  
Уже карниз гыч кержалтеш  
Сорта гай ийже, шып шуйнен.

Тек але йўдым йўштырак,  
Игечым теле шкé куча.  
Уже эрдене вольык-влак  
Лекталиш кечым пеш вучат.

Тек але курык сер гына  
Шемемын, мўндырчак коеш.  
Уже окнаште ужарга  
Пеледышемже ал кечеш.

Тек але ял, лум ден пўрдалт,  
Шинча шарлен, шикш вел тўрга,—  
Апшат пеш эр лектеш пожалт,  
Машинам тўрлата, терга.

Колхозник-шамыч пасулаш  
Уянгышым лукташ вашкат.  
«У шурно чапле, сай лийшаш» —  
Ойлалын порын шоналтат.

Тек але йўштö юж коштеш,  
Тек але лум кия шарлен,—  
Уже ший кече шыргыжеш  
У шошо толмым шижтарен.

## ИЮНЫСО ИУР

— Йүр уке шукертсек,  
А мланде чот кошкен...  
Эрден шоктен  
Опкелыме йүк.  
Мый — корнышто.  
Пуракым түргыктен,  
Чыма пеш писын  
Грузовик.

— А вот шенгелне  
Йүр пыл погына, —  
Куанле йүким  
Мые колынам...  
Чынак, кава гыч  
Шондашла шүйна,  
Пуйто пыл шуя  
Кидшим мландылан.

Чодра ўмбач, нур гоч  
Толеш лишем,  
Вуй валине теве  
Күдүрчб солна.  
А ме виш кузов гыч,  
Мландышке волен,  
Пистер йымалне  
Верым ончена.

«Пеш вучеда улмашын!» —  
Манше гай  
Опке шомакым  
Пуйто мый колам.  
Пистер тыч лектым:  
— Нөртö, почко сай!  
Кенежым йүр  
Пайдале кеч-молан.

Йүр эртыш. Мландым  
Кодыш чот нөртөн.  
Ончале кече  
Улкё пеш ласкан.  
Ойлат тыгае годым  
Изырытэн:  
— Тений щочеш  
сай шурно,  
сай саска!

## КАСТЕНЕ

Леве кас. Қава тич шүдьыр темын.  
Йол йымалне але вүд мурға.  
Пич йүдшат толеш шыпак лишемын.  
Порт еда тулат пылт-пулт йбара.

Омо йомын ик аван лач шкетшын,  
Тұлым йөртыш, но ок воч малаш.  
Шке шона: «Уремыш куржын лектын,  
Ай, муаш да сайын почкалташ!

Тый ит ёр, ава! Ончал окнашке —  
Теве ўдыретше ошқылеш.  
Только мо вараш кодал толмаште  
Да молан щүметше вурғыжеш?

Кенета миен, молан омсатым  
Комдық вошт почащ тые вашкет?  
Төрлатен кертат тый сомылкатым,  
Үдьрет танж денже толын вет!

Мутланен шогат тек, ойым пидын,  
Икте-весым шып, чоян ончал.  
Йоратымаш — кугу куан вет тиде,  
Үмыр мучылан — мотор пиал!

## КОЖЛАЕР

Пүйті погынен,  
Сур лудо-шамыч  
Каналтең шинчат  
Ер йыр түшкән..  
Самолет гыч  
Кожлаер ўмбаке  
Тыге шонкалыл,  
Онченам ласкан.

Ял покшелне ер.  
Воштончыш семын,  
Кече йолым  
Мұндыркө қышка.  
Тыште мыйын  
Рвезе пагытемын  
Умырещлан кодын  
Йол қыша...

Ер воктене  
Школ пәртнаже лийын,  
Иырым йыржे күшкүн  
Сылне сад.  
Мый куржтальым тышке  
Лач күм ийым,  
Шочмо ял  
Керек тора гынат.

Ялт мондалын омыл  
Первый толым,  
Первый кё вашлийын,  
Саламлен.  
О, учитель-шамычем  
Тугодсым  
Кумыл нёмтын,  
Порын шарналтем.

Поро пашадан  
Саска же ятыр,  
Моктанен кертеш  
Марий кундем:  
Иктын кидыште —  
Куатле трактор;  
Весе түредеш  
Чока киндем;

Кумшо лийын  
Палыме доярка —  
Шёр энер верч  
Вургыжшо оза;  
Даже иктым  
Саламлен Игарка,  
Йолташем  
Поэмымат воза.

Ең-влак веле мө?  
Ялжат вашталтын.  
«Ленин корю» лўм —  
Моткоч толеш.  
Ильич лампе  
Шукертак чүкталтын,  
Тошто шўк-косат  
Эрна, йомеш...

## АВГУСТ

Мемнан дек толдалеш унала  
Август тылзе — йомартле тугае:  
Шўм-чон шохшыж сита қажылан  
Да саска же тўжем пёлек гае.

Энтыжондо тайна йошкарген,  
Қандын-қандын коеш лўза модо.  
Кече деч чевер тўсим поген,  
Мемнам почыж вучча эрын-водын.

Олмапужо олмажым рўза  
Сад-пакча гыч окнашке шумешке,  
Шеремден, чеверталын тўза:  
— Налза кидыш, кочса шер теммешке!

Уло южный уна — виноград  
Да арбуз кёршек гай кугу шочын,  
Йўдвел мландыш куснат да куснат,—  
Бет Мичурин тидлан корным почын.

А пасушто уржа ден шыдан —  
Тўрлў шурно күшкеш. Кумылнаже  
Қайык гае кўса шулдыранг,  
Пеледеш садерла илынаже.

Қайыккомбо түшкә, юарлең,  
Вуй ўмбачын әрта шокшо велыш.  
Машина-влак каят корно ден  
Кинде ден түзаташ шочмо элым.

Пасу мучко комбайн-влак әртак  
Икияшым погат кажне кечин...  
Паша ден шижде август әрта,  
Ошқылеш кенгеж түр межа дечин.

### ШЫЖЕ ШУЫН

Олыклаште, корныла воктене  
Але вис-вис коеда коклан,  
Кап-кылнам сүсандарен әрдене;  
Ок пуал мардеж тунар виян;

Але кече шинчешат, пылломыш  
Ятыр пагыт чеверген шога,  
Ужара әрдене тамле омым  
Пасу патыр-шамыч деч пога.

Але ер тореш кышкен вүдоным,  
Озыркан мардеж ок мод, коеш;  
Але туывыр мел вошт чара оным  
Тудо кылмыктен ок керт йörшеш;

Но шем шыже садакат лишеммым  
Кажне шижын ончылгоч шукта.  
Ужына, кузе вүд яндареме,  
Киякат вес семын кожгыкта.

Шыжым шижыт первый кайык-шамыч  
Кечигут чонгештылыт чылан.  
Мүндир корныш шочмо вер-шёрла тыч,  
Жап шумеке, тарванат түшкан.

Төве ынде шыже чылт у түсүм  
Мемнан деке ик жаплан конда.  
Вашталтен ужар көнгөж пүртүсүм,  
Той түс дене чиялтен шында.

Той пасужо угыч чылт шемемын:  
Отыл пурыш трактор каш йымак.  
Озымвиче ужар сывын семын  
Волгалтеш яндарын пеш умбак.

Шыже шуын! Возын первый покшым,  
Пүн гай йүр опта вет эр-касат.  
Нангаен көнгөж пеленже шокшым,  
Телым веле кодын вучашат...

### ОЛМА САД

Ыле шошо. Олмапу пеледын.  
Садыш угыч кайык толылден,  
Шүшкаптэн вер-шёрлан кумыл темын,  
Луаткок лукан мотор сем ден.

Кажне кас рвезе, ўдыр-шамыч,  
Кохознажын садыш погынен,  
Лышташ дене сылнын лүнтальтыч,  
Шошым, рвезе пагытим моктен.

Қас южеш нералше шып ялнаже  
Қынелале угыч мур йүкеш:  
«Мемнан рвезе илынаже  
Олма сад гай пеледеш...»

Шуо шыже. Саскаждат лың шочын:  
Түрлө сорт олма кечат нелем.  
Қомдым сакалталаң ваче гочын,  
Погаш только мыйын бригадем.

Адакат пеш сылне мурнаже  
Ял ўмбак торашке шергүлтеш:  
«Мемнан Совет элнаже  
Кечын-кечын виянгеш»...

Олма сад, тый колхознан поянлык,  
Кажне шыжым лыг пүэт саскам.  
Вет садланак теният бригада  
Шуко шындыш ешарен саднам.

Олма сад, пелед тый кажне шошим,  
Иырым-йыр пүртүсүм түзатен.  
Тек муралте, ўдыр, шўымым почын,  
Рвезе пагытнам, элнам моктей!

### ТУМО

Нур покшелне шкетын кодшо  
Кугу тумо шып шога.  
Кё пала — мыньяр ийготшо,  
Кудо шошо ужарга.

Коклан толын кудыр вуйжым  
Лай мардежше ниялта.  
Шуко йүштө-шокшым ужын  
Тиде тумо күшкүлда.

Чевер кечын кайык-влакше  
Парчаشتеше лүңгалтат.  
А йўр годым укш йымалне  
Корно ен-влак каналтат.

Патыр енгым шукыж годым  
Тумо ден таңастарат.  
А кола гын, вийжым оғыл,  
Сай пашажым шарналтат.

## КҮЭ

Ош шовырим арун чиен,  
Вүдлан волалше ўдыр семын  
Шога күэ энгер воктен.  
Нёлпер коклаште, волгыдемын.

Вүд ваке пүгүриналше гай  
Коштал налаш энгер гыч вүдым,  
Изиш тайнен күэ. Онай  
Ончен шогаш тора гыч тудым,

А южгунаам чучеш тыгат:  
Онча энгерыш тудо кечын.  
Мотор кап-кылжым ужынат,  
Ок керт кораг воштончыш дечын.

Вучалын нойышо ўдырлат  
Коклан күэ чучеш мыламже.  
Толаш тыш пуйто сөренат,  
Ала-молан ок тол-ыс танже...

А кызыт вес түс ончылнэм:  
Куэ ужар постом кудашын,  
Чылт шөртнөй шовырим чиен,  
Шога муралын кашын-кашын.

Кагаз окса гай йытыра,  
Мландеш лышташым йыр шарапын,  
Поян жап толмым шижтара:  
«Эсен лий, шөртнөй шыже!» —

манын.

## ПИСТЕ

Ой, пеш шуко писте-влак кокла гыч  
Тыйым ойыралын налынам.  
Конденам мый шыгыр пич кожла гыч,  
Сад-печеш мый тыйым шынденам.

Тый тунамже изи ылъыч але,  
Чот лўзанын оғыл капетат.  
Но вуетым күшкө рых нўлталын,  
Күгешналын веле шогенат.

Пакчашкемже тыйым коидымеке,  
Первый эркын лышташет шарлен.  
Шоненам мый: ўдыр, унала толмеке,  
Лач тыгак шога вет бўрмалген.

Саламлалын тыйым шўшпык толью,  
Эр-кастеңе парчаштет шўшкен.  
Шўмем дене шижкин, пуйто колым:  
«Тиде вер сёrale, акаем...»

А вара, кенежым, толылден пакчашке,  
Кў гын ыш кўране тыланет?!  
У вереш тый вожым колтенат торашке,  
Тамле ўпшым йыр шарен шогет.

## МУИ

Юалге юж только йүдвечын,  
Мотор кенгеж кайыш эртен.  
А тудо кодеш кенгеж дечын  
Эн сылне пёлек гай киен.

Могай тудо тамле да шере!  
Шонет, кеңеж лўмын шуэн:  
Эре йўраташ шочмо верым,  
Илаш мўкш еш гае тыршен.

Кок пеледыш ваш ончат,  
Вуй савалын шып шогат.

Сылне улъят коктынат,  
Лай мардеж ден мутланат.

Лачак шкеништим моктен,  
Оғыт керт вет каласен.

Кок пеледыш семынақ,  
Тағем дене шогена,

Йўратем мый шукертсек,  
Вик ойлен гына ом керт...

## МЫЙ ОКНАМ ПОЧЫНАМ

Мый окнам почынам — түнö шокшо...  
 Сад-пакча гыч пура тамле ўпш пörтышкем.  
 Олмапу пеледеш ошын-ошын,  
 Шошынам сылнештен, йонгаташ шүшпүк сем.

Тый улат воктенем, йöраталме!  
 Келгын-келгын шүлөт да ўпем тарватет.  
 Шуко ий чон йüлен, чот вучалме,  
 Даже шўлыш келша, товатат, мом ыштет?

Моторет ден от кошт ковыртатыл,  
 Нигомат от ончал кугешнен,  
 Иыжын капым, шемалге шинчатым  
 Вес мотор ден ом керт вашталтен.

Кумылемже пиал дene темын,  
 Ырыкталии шўмем, капыштем вўр модеш.  
 Ўдýр келгын шўлалтыме семын,  
 Занавесским шыман тарвата лай мардеж...

Мый окнам почынам — түнö шокшо...  
 Сад-пакча гыч пура тамле ўпш пörтышкем.  
 Олмапу пеледеш ошын-ошын,  
 Шошынам сылнештен, йонгаташ шүшпүк сем.

## СОДЕРЖАНИЙ

|                                       |    |
|---------------------------------------|----|
| Ленин волгыдым конден . . . . .       | 3  |
| Пиал . . . . .                        | 5  |
| Мыйын поянылжем . . . . .             | 7  |
| Ваш келшымашна курымаш! . . . . .     | 9  |
| Шочмо кундемем . . . . .              | 10 |
| Элнам йöратаме лўмеш . . . . .        | 12 |
| Умыр мучко тый тидым шарнет . . . . . | 13 |
| Поездыште . . . . .                   | 14 |
| Мурын вийже . . . . .                 | 16 |
| Портретисе ўдýр . . . . .             | 18 |
| Патриотка . . . . .                   | 20 |
| Эрласе мотор илыш лишнак . . . . .    | 23 |
| Токарын мутшиб . . . . .              | 24 |
| Штукатур . . . . .                    | 25 |
| Самырык врач . . . . .                | 26 |
| Корным эскерыше ўдýр . . . . .        | 28 |
| Тимош изай . . . . .                  | 29 |
| Шёртнёб тул . . . . .                 | 31 |
| Теле корно . . . . .                  | 32 |
| Ведасий кокай . . . . .               | 33 |
| Лум . . . . .                         | 35 |
| Клубышто . . . . .                    | 36 |
| Кöбörчеп . . . . .                    | 37 |
| Чавайнин куэже . . . . .              | 38 |
| Мемнан Пушкин . . . . .               | 39 |
| Слутник . . . . .                     | 40 |

|                                   |    |
|-----------------------------------|----|
| Шүштыйк сэм . . . . .             | 41 |
| Первый йоратымаш . . . . .        | 43 |
| Пеледыш . . . . .                 | 44 |
| Шымавуч . . . . .                 | 45 |
| Чача гае Чачукшат . . . . .       | 46 |
| Үдир муро . . . . .               | 47 |
| Начук . . . . .                   | 48 |
| Шошын толмыжо . . . . .           | 50 |
| Июнысо йўр . . . . .              | 52 |
| Кастене . . . . .                 | 54 |
| Кожлаер . . . . .                 | 55 |
| Август . . . . .                  | 57 |
| Шыже шуын . . . . .               | 59 |
| Олма сад . . . . .                | 61 |
| Тумо . . . . .                    | 63 |
| Күэ . . . . .                     | 64 |
| Писте . . . . .                   | 65 |
| Мүй . . . . .                     | 66 |
| «Кок пеледыш ваш ончат» . . . . . | 67 |
| Мый окнам почынам . . . . .       | 68 |

---

*Мирон Николаевич Большаков*

**Шочмо кундемем.** Печеламут - влак.  
Книгам лукшо марий издательство, Йошкар-  
Ола, 1963.  
72 стр.

НС (мар.)

**МОЙ КРАЙ РОДНОЙ**

**На марийском языке**

Редактор В. Ф. Чегаев  
Художник В. Ф. Лавреньев  
Худож. редактор В. В. Визников  
Тех. редактор Е. М. Данилова  
Корректор Е. Т. Садовина

\* \* \*

Сдано в набор 2/VIII 1963 г.  
Подписано в печать 14/IX 1963 г.  
Формат 70×90/32. Физ. печ. л. 2,25. Усл. печ. л. 2,63.  
Учетно-изд. л. 1,97. Тираж 1000. Заказ № 121.  
Э—01829. Цена 10 коп.

\* \* \*

Марийское книжное издательство,  
г. Йошкар-Ола, Карла Маркса, 43.  
Типография Министерства культуры Мар. АССР,  
г. Йошкар-Ола, Комсомольская, 112.

*КНИГАМ ЛҮКШО МАРИЙ ИЗДАТЕЛЬСТВО  
ПОЭЗИЙ ДЕНЕ ТЫГАЙ КНИГА-ВЛАКЫМ  
ЛУКТЫН:*

*М. Якимов. Марий пеледыш. Стих дене  
возымо повесть. Тираж 2000. Акше 32 коп.*

*П. Першут. Жепын цевержы. Тираж 1000.  
Акше 19 коп.*

*Г. Матюковский. Почеламут-влак. Тираж  
2000. Акше 28 коп.*

*И. Яковлев. Наша дружба. Тираж 5000.  
Акше 6 коп.*

*В. Горохов. Чодраште. Тираж 2000. Акше  
7 коп.*

*В. Орлов. Кол-влак. Тираж 3000. Акше  
5 коп.*

*Нине книгам налза, лудса!*